

San Silvestre

OURENSÁ 2016

31.12.2016



ORGANIZA:



COLABORAN:



Concello de
OURENSE
Deportes



PROBA OFICIAL:



FEDERACIÓN GALEGA
DE ATLETISMO

San Silvestre

OURENSÁ 2016

31.12.2016

REGULAMENTO SAN SILVESTRE OURENSÁ 2016

ARTIGO 1

O **Club Deportivo Aurum**, coa colaboración do **Consello Municipal de Deportes do Concello de Ourense** e coa autorización da **Federación Galega de Atletismo**, organiza a San Silvestre Ourense que se celebrará o 31 de decembro de 2016 no entorno do Parque Barbaña de Ourense.

ARTIGO 2

Poderán participar nesta proba **atletas federados e atletas populares**. Realizarase unha clasificación conxunta.

Esta proba está incluída no **calendario oficial de competicións da Federación Galega de Atletismo** e estará controlada polo Comité Galego de Xuíces e Cronometradores da Delegación en Ourense da Federación Galega de Atletismo.

O control das inscricións, dorsais, chips, resultados e secretaría realizarase por procedementos automatizados.

ARTIGO 3

Establécense as seguintes categorías:

- **Pitufos**. Nados no ano 2010 e posteriores.
- **Benxamín**. Nados nos anos 2008 e 2009.
- **Alevín**. Nados nos anos 2006 e 2007.
- **Infantil**. Nados nos anos 2004 e 2005.
- **Cadete**. Nados nos anos 2002 e 2003.
- **Xuvenil**. Nados nos anos 2000 e 2001.
- **Junior**. Nados nos anos 1998 e 1999.
- **Promesa**. Nados nos anos 1995, 1996 e 1997.
- **Senior**. Nados nos anos 1994 e anteriores.
- **Veteráns**. A. De 35 a 44 anos. B. De 45 a 54 anos. C. De 55 a 64 anos. D. Maiores de 65 anos.
- **Absoluta**.

ARTIGO 4

Distancias e horarios:

16:30	Pitufos	80 m. aprox.
16:35	Benxamín – Alevín	1.400 m. aprox.
16:45	Infantil – Cadete	2.350 m. aprox.
17:00	Absoluta	7.050 m. aprox.

(Xuvenil/Junior/Promesa/Senior/Veteráns)

ARTIGO 5

A saída estará situada no parque Barbaña e a carreira discorrerá polos paseos e sendas existentes ao carón do río Barbaña.

ARTIGO 6

As **inscricións** estarán abertas **do 1 de decembro ata o 27 de decembro de 2016 ás 20:30 h.**

A inscrición realizarase unicamente a través da web **www.carreirasgalegas.com.**

O custe da inscrición e de **5€ para as categorías xuvenil, junior, promesa, senior e veteráns,** para **o resto de categorías a inscrición será gratuíta.**

De xeito voluntario, cada participante ten a opción de facer unha doazón "**Dorsal Cero**" de 2€ que irá destinada a Cruz Vermella Ourense.

Neste evento non poderán participar nin atletas españois con axuda económica da RFEA nin atletas estranxeiros que realizaran, durante a presente tempada ou as 2 anteriores, unha marca dun valor de 900 puntos ou superior por táboa IAAF vixente (como se detalla no artigo 3.4 da normativa RFEA para probas de ruta en Competicións Autonómicas, circular RFEA 142/2016 publicada o martes 21 de xuño de 2.016), salvo permiso expreso concedido. Este punto non é aplicable para atletas (españois ou estranxeiros) con licenza dilixenciada pola Federación Galega de Atletismo. Calquera atleta que, a sabendas da súa imposibilidade de participar na proba, proporcione datos erróneos para poder facelo, será descualificado.

ARTIGO 7

A recollida de dorsais e chips terá lugar en **TURINI**, rúa Cardenal Quevedo, 19 – 32004 Ourense, o día 30 de decembro de 2016 de 16:30 h. a 20:30 h.

Co dorsal todos os participantes recibirán unha bolsa de cotillón.

NON se entregarán dorsais o día da carreira.

ARTIGO 8

Todos os participantes da categoría pitufos recibirán unha medalla ao rematar a súa proba.

Os tres primeiros clasificados das categorías benxamín, alevín, infantil e cadete, homes e mulleres, recibirán una medalla.

Os tres primeiros clasificados da categoría absoluta, homes e mulleres, recibirán un trofeo.

ARTIGO 9

Todo participante que non entre na liña de meta co dorsal ben visible colocado na zona do peito ou que incumpra as normas establecidas no regulamento da Federación Galega de Atletismo e da RFEA referente a probas en ruta, será descualificado.

A organización establece un peche de control 60' despois da chegada do 1º clasificado absoluto da proba.

ARTIGO 10

Non está permitido o acompañamento na proba de ningún vehículo alleo á organización. Nin bicicletas, patíns ou persoas non inscritas que poidan acompañar, avituallar ou marcar ritmos ós participantes. Non se permite a participación con coches ou cadeiras de nenos, nin correr acompañados destes en ningún momento.

A organización recomenda ós participantes, pola súa seguridade, que **NON participen con dispositivos reprodutores de música con auriculares.**

ARTIGO 11

As reclamacións ós resultados oficiais, deberán formularse verbalmente ó Xuíz Arbitro da Competición non máis tarde de 30 minutos despois da publicación dos mesmos.

ARTIGO 12

A organización disporá de servizo médico, ambulancia e avituallamento na zona de saída e meta.

A proba conta cun seguro de Responsabilidade Civil e un seguro de accidentes deportivos para os participantes.

ARTIGO 13

Todo o non previsto neste regulamento resolverase de acordo co regulamento da FGA, RFEA e IAAF en vigor.

ARTIGO 14

Todos os participantes, polo feito de inscribirse, confirman que leron, entenden e aceptan o presente regulamento.

ORGANIZA:



COLABORAN:



PROBA OFICIAL:

